

Demoliu in miez tozzel ovras d'art

Giuvnils han schau ora las forzas silla Senda d'art spel Rein a Trun

■ (anr/gv) Fis Guldumann ei la persuna responsabla per la Senda d'art spel Rein. La sonda eis el vegnius informaus ch'entginas dallas sculpturas seigien donnegiadas. Sia retscherca el liug ha mussau ch'in bien miez tozzel dallas 64 sculpturas ei disfatgs ni stuschaus sur il mir encunter il Rein. Ei setracta da ovras dils artists *Gieri Schmed, Samuel Inauen, Paul Frei, Irma Wirth-Monn, Thomas Weber e Beatrice Vogler*. Encunter sera ei Fis Guldumann secalmaus. En lavur minuziusa haveva el numnadamein gia eruiu ils malfatschents. Ei setracti da dus giuvnils gest ord scola d'ordvart dalla Cadi, ha il gerau da Trun detg ed aschuntau: «Era sche jeu sun aunc adina vilas fagein nus giu quei alla buna.» La damaun haveva el avisau la polizia cantunala culla resalva da desister d'ina tgisa sch'el anfla ils malfatschents. Il donn taxescha igl um che ha sez exponiu ina sculptura sin plirs mellis francs. Ils fastitgs muossan ch'ils giuvnils han era empruau da derscher la figura da Fis Guldumann. «Ina stuscheda havess tunschiu», ha igl artisti



Lovra da Gieri Schmed schai per tiara. Giuvnils han destruiu in miez tozzel sculpturas l'emprema notg digl Open Air Trun. FOTO G. VENZIN

detg. Las sculpturas exponidas alla Senda d'art a Trun ein venalas, astgan denton vegnir pridas ord la senda per suenter in onn.

Digl open air

«Jeu anfel quels che han demoliu las sculpturas», ha Fis Guldumann detg la sonda avonmiezdi. La notg dil venderdis silla sonda ha l'Uniu da giuvnetgna Trun organisau l'emprema sera digl Open Air Trun. Sco il responsabel dalla Senda d'art spel Rein – quella sesanfla denter il vitg da Trun ed il liug digl open air a Rensch – ha constatau erien mo paucs giuvnils il venderdis notg a Rensch. Schi acribic e creativ sco el lavura vid sias sculpturas ha il gerau tschercau ils malfatschents e saviu comunicar la sera ch'els seigien erui. L'emprema gretta era bunamein svanida e Fis Guldumann ha schau sentir ch'el ha buca capientscha pigl agir dils dus giuvnils, ch'el valetescha denton quei agir per ina cattavegna e buca sco delict. El emprovi da sliagar quei cass ensemen culs geniturs dils giuvnils senza stuer caminar la via ufficala.

Excellentas notas finalas al Center da formaziun Surselva

Pia Truffer ha teniu il plaid da fiasta a caschun dalla surdada dils diploms

■ (ac) La fiasta da diplom dalla **Scola professionala commerciala Surselva, Scola media mercantila Surselva e dalla Scola media propedeutica ha giu liug il vendergis vargau**. A caschun dalla fiasta da diplom ha il menader da partiziu, *Marcus Beer*, saviu gratular a 70 diplomandas e diplomands dalla Scola professionala da commerci e dalla Scola media per lur diploms. Las scolastas ed ils scolasts da classa han saviu surdar 36 attestats federals da qualificaziun ad absolventas ed absolvents dalla Scola professionala commerciala (profil E, profil M e vendiderAs), 21 attestats da maturitad professionala (10 profil M, 11 HMS+), 14 diploms dalla Scola media mercantila, 6 diploms dalla Scola media propedeutica e 3 diploms dalla maturitad dil fatg sanadad. Da 71 candidatas e candidats ch'ei sepresentai als examens finals han 70 reussiu. Quei munta ina quota da success da 98,6%. Ina persuna ha deplorablamein buca dumignau ils examens. En tut han siat persunas contonschii ina nota el rang (5,3 e dapli). Cun la nota finala da 5,5 han *Patricia Fernandes* ella partiziu Scola professionala da commerci cun

maturitad professionala (profil M) e *Cilgia Gruber* ella partiziu vendita contonschii il meglier resultat dalla scola. Fernandes ha absolviu siu emprendissadi tier l'administraziun communal a Rueun e Gruber tier Meini Sport & Mode a Laax. In resultat notabel ha era *Silvio Derungs* (profil E) contonschii cun ina nota finala da 5,4. Silvio Derungs ha piars sia vesida avon tschun onns ed ha stuii sescolar entuorn. El ha absolviu siu emprendissadi tier Bürozentrum Salabim a Cuera ed ha ussa terminau sia scolaziun cun grond success.

Il fundament dils success dalla Truffer SA

Pia Truffer, commembra dalla gestiun dalla Truffer SA a Val Sogn Pieder, ha tschentau el center da sias explicaziuns il credo dalla interpresa da cavar crappa. Innovaziun, creativtad, resca e comunicaziun ein tenor sias explicaziuns il fundament dil success dalla Truffer SA. Innovaziun viers la tecnologia dad explotar la crappa sco ella creaziun da novs products. Per *Pia Truffer* ei la creativtad dumandada enten scaffir e realisar ideas

novas ed originalas. Quella creativtad stat magari en contradicziun dalla tradiziun. Sulet sebasar sin tradiziun sa frenar il svilup dad ina interpresa sche buca periclitat ella existenzialmeins, ha l'interprenidra da Val fatg a saver per cuntinuar cun las explicaziuns davart la resca. «Sur dalla resca savess jeu referir gitg.» Per *Pia Truffer* sto ina interpresa riscal enzatgei per reussir a liunga vesta. Per la Truffer SA vesa ella la pli gronda sfida ella fier mundiala nua ch'il crap da Val ei presents sin fiera. E gest quella fier mundiala pretenda diversa comunicaziun per anflar il contact cun la clientela. «Conversar ella regiun ni en China ei buc il medem.» Ton pli impurtanta ei denton era la conversaziun interna enteifer l'interpresa. *Pia Truffer* ei perschuadida che las absolventas ed ils absolvents dalla Scola mercantila Surselva han retschert la scolaziun necessaria per reussir egl ambient ch'ella ha skizzau.

Per igl accumpignament musical durent la fiasta ha la band dalla Scola professionala commerciala cun maturitad professionala, sut la bitgetta da *Christian Müller*, procurau. Ils commembers dalla band han empriu da sunar in instrument

durent in onn ella scolaziun da musica cun la finamira da sunar a caschun dalla fiasta da diplom. Il resultat ei staus perschuadents.

Scola professionala commerciala: commerci en detagl

Cilgia Gruber, Puntraschigna nota 5,5. *Ruth Bosshard*, Glion nota 5,4. *Anita Duff*, Cumpadials nota 5,4. *Fiona Sgier*, Vella nota 5,3. *Martina Cathomas*, Cumpadials. *Ariana Derungs*, Vella. *Rafael Derungs*, Camuns. *Tania Galati*, Glion. *Vanessa Galati*, Glion. *Iso Maissen*, Rabiis. *Zamira Mustafa*, Domat. *Rebecca Solèr*, Cumbel. *Anja Vinzens*, Luven.

Scola professionala commerciala: Scolaziun extendida

Silvio Derungs, Dardin nota 5,4. *Rafael Almeida*, Glion. *Carolin Berni*, Val. *Silvia Cabalzar*, Cumbel. *Marina Calia*, Rabiis. *Julian Donat*, Flem. *Dominik Hardegger*, Cuera. *Cheyenne Ineichen*, Sursaiisa. *Ursina Jacomet*, Segnas. *Anna Jörg*, Dardin. *Gian-Luca Lutz*, Mustér. *Sarina Manning*, Laax. *Nadja Schwarz*, Camuns. *Saskia von Deschwanden*, Niederscherli.

Scola professionala commerciala: maturitad professionala

Patricia Fernandes, Rueun nota 5,5. *Maya Hitz*, Sufers nota 5,4. *Evelina Cabalzar*, Glion. *Gian Car-*

lo Candinas, Surrein. *Luciano Casutt*, Glion. *Victoria Coray*, Rabiis. *Bettina Decurtins*, Rabiis. *Rico Decurtins*, Surcasti. *Sabrina Maissen*, Mustér. *Anja Vinzens*, Luven.

Scola media mercantila

Desirée Albin, Vella. *Mario Calörtscher*, Glion. *Ladina Camenisch*, Lumbrein. *Adelina Cathomas*, Breil. *Kim Deflorin*, Flem. *Martina Flepp*, Dardin. *Jessica Giger*, Ruschein. *Anna Hunger*, Vuorz. *Vanessa Muoth*, Breil. *Tamara Schnider*, Val. *Ramona Sigron*, Cuera. *Ciril Spescha*, Vuorz. *Yves Steger*, Cuera. *Fabian Tiri*, Trun.

Maturitad professionala dalla Scola media mercantila

Dario Casutt, Falera. *Flavio Coray*, Mustér. *Gianluca Flepp*, Mustér. *Sabrina Göde*, Sursaiisa. *Mirjam Jörger*, Val. *Silvan Maissen*, Trun. *Gianni Peng*, Cuera. *Gian Sgier*, Tersnaus. *Florian Suter*, Falera. *Olivia Tognarelli*, Cuera. *Norina Winzap*, Falera.

Scola media propedeutica

Annina Cadruvi, Trun. *Sara-Lea Flury*, Breil. *Marina Lozza*, Mustér. *Norina Madlaina Monn*, Darnis. *Lea Roth*, Sursaiisa. *Madlaina Schmid*, Versomi.

Maturitad specialisada sanadad

Flurina Cadruvi, Ruschein. *Nina Casutt*, Falera. *Andrea Lechmann*, Sumvitg.



Sesanflan denter las absolventas rangadas *Fiona Sgier* da Vella (sen.) e *Ruth Bosshard* da Glion.